

Lescha davart l'organisaziun giudiziala (LOG)

Midada dals [Data]

Relaschs tangads da questa fatschenta (numers dal DG)

| | |
|--------|----------------|
| Nov: | – |
| Midà: | 173.000 |
| Aboli: | – |

Il Cussegl grond dal chantun Grischun,

sa basond sin l'art. 31 al. 1 da la Constituziun chantunala,
sunter avair gi' invista da la missiva da la Regenza dals ...,

concluda:

I.

Il relasch "Lescha davart l'organisaziun giudiziala (LOG)" DG [173.000](#) (versiun dals 01-01-2017) vegn midà sco suonda:

Art. 6a (nov)

Elecziun da derschadras e derschaders extraordinaris
1. circumstanzas extraordinarias

¹ Derschadras e derschaders extraordinaris pon vegnir elegids en la Dretgira chantunala ed en la Dretgira administrativa:

- a) per la durada da l'impediment, sch'ina derschadra u in derschader è previsiblmain impedì durant plirs mais d'exequir l'uffizi pervia da la restricziun da la sanadad corporala, spiertala u psichica u per auters motivs persunals;

-
- b) per maximalmain 2 onns, sch'ina dretgira n'è betg pli en cas da liquidar dispitas giuridicas entaifer in termin adequat pervia d'ina chargia da lavur extraordinariamain gronda u sch'igl è da temair ch'in tal stadi resultia pervia d'in augment extraordinari da la chargia da lavur.

² Derschadras e derschaders extraordinaris pon vegnir elegids en ina dretgira regionala, sche:

- a) igl è avant maun in dals motivs tenor l'artitgel 6a alinea 1 litera a u b; e
b) ina dretgira regionala n'è betg en cas da dumagnar questa situaziun excepziunala cun las derschadras ed ils derschaders en uffizi principal ed en uffizi accessoric.

Art. 6b (nov)

2. premissas persunalas

¹ La limita da vegliadetgna ed il proporz da fracziun na valan betg per las derschadras ed ils derschaders extraordinaris. Occupaziuns accessoricas dastgan ellas ed els exequir sut las premissas da l'artitgel 38.

² Actuaras ed actuars èn elegibels sco derschadras e derschaders extraordinaris.

³ Per las derschadras ed ils derschaders extraordinaris valan dal rest las medemas premissas persunalas sco per las derschadras ed ils derschaders en uffizi cumplain ed en uffizi principal da la dretgira respectiva.

Art. 6c (nov)

3. cumpetenzza e procedura

¹ La cumissiun dal Cussegl grond ch'è cumpetenta per la giustia ha la cumpetenzza definitiva per l'elecziun da derschadras e derschaders extraordinaris. In credit posterior n'è betg necessari.

² La procedura da l'elecziun supplementara vegn iniziada:

- a) sin dumonda da la Dretgira chantunala u da la Dretgira administrativa;
b) d'uffizi.

³ En cas excepziunals poi vegnir desisti da publitgar uffizialmain plazzas extraordinarias.

⁴ Dal rest vala l'artitgel 22 confirm al senn per la procedura da l'elecziun supplementara.

II.

Naginas midadas en auters relaschs.

III.

Naginas aboliziuns d'auters relaschs.

IV.

Questa revisiun parziala è suttamessa al referendum facultativ.

La Regenza fixescha il termin da l'entrada en vigur.